

**LUTRIJA BOSNE I HERCEGOVINE d.o.o.**  
**SARAJEVO**

Broj: 784-16-SH/22

Datum: 15.04.2022. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14), člana 14. Pravilnika o javnim nabavkama Lutrije BiH br. 2805/19 od 17.09.2019. godine i Zapisnika o pregledu i ocjeni ponuda Komisije za javne nabavke br. 784-15-SH/22 od 14.04.2022. godine, direktor Lutrije Bosne i Hercegovine, donosi

**ODLUKU**

**o izboru najpovoljnijeg ponuđača po otvorenom postupku  
za javnu nabavku broj 024/22 od 10.03.2022. godine**

1. Kao najpovoljniji ponuđač po otvorenom postupku za javnu nabavku broj 024/22, objavljenom na Portalu javnih nabavki BiH pod brojem 523-1-2-25-3-31/22 dana 10.03.2022. godine i u Službenom glasniku BiH br. 14/22 dana 18.03.2022. godine, a u skladu sa Zapisnikom o pregledu i ocjeni ponuda Komisije za javne nabavke za nabavku usluga, oglašavanje Lutrije BiH putem web portala, izabrane su ponude sljedećih ponuđača po LOT-ovima:

**LOT 2 - Oglašavanje Lutrije BiH na informativnom portalu radiosarajevo.ba**  
„ZID“ d.o.o. Sarajevo sa cijenom u iznosu od 24.966,00 KM bez PDV-a

**LOT 3 - Oglašavanje Lutrije BiH na web portalu faktor.ba**  
„SIMURG MEDIA“ d.o.o. Sarajevo sa cijenom u iznosu od 6.000,00 KM bez PDV-a

**LOT 5 - Oglašavanje Lutrije BiH na web portalima oslobodjenje.ba i sport1.ba**  
„ASCANIUS MEDIA“ d.o.o. Sarajevo sa cijenom u iznosu od 13.797,67 KM bez PDV-a

**LOT 6 - Oglašavanje Lutrije BiH na web portalu ba.n1info.com**  
„ASCANIUS MEDIA“ d.o.o. Sarajevo sa cijenom u iznosu od 10.495,03 KM bez PDV-a

**LOT 7 - Oglašavanje Lutrije BiH na web portalu sportsport.ba**  
„SPORTSPORT“ d.o.o. Sarajevo sa cijenom u iznosu od 12.943,00 KM bez PDV-a

**LOT 9 - Medijsko praćenje korporativne aktivnosti Lutrije BiH na portalu nap.ba**  
„NA PATRIA“ d.o.o. Sarajevo sa cijenom u iznosu od 15.000,00 KM bez PDV-a

**LOT 10 - Oglašavanje Lutrije BiH na web portalu slobodna-bosna.ba**  
„SLOBODNA.BA“ d.o.o. Sarajevo sa cijenom u iznosu od 9.988,65 KM bez PDV-a

**LOT 11: Oglašavanje Lutrije BiH na web portalu startbih.ba**  
„DENAMEDA“ d.o.o. Sarajevo sa cijenom u iznosu od 6.000,00 KM bez PDV-a

2. Ponude ponuđača iz tačke 1. ove Odluke ocijenjene su prihvatljivim, jer ispunjavaju sve uvjete postavljene Tenderskom dokumentacijom, a u skladu sa kriterijem za dodjelu ugovora ponuđači su ponudili najnižu cijenu.
3. Izabranim ponuđačima ponuditi dodjelu ugovora o javnoj nabavci.

4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

### Obrazloženje

U predmetnom postupku zaprimljene su ponude sljedećih ponuđača: LOT 1 „INTERSOFT“ d.o.o. Sarajevo, LOT 2 „ZID“ d.o.o. Sarajevo, LOT 3 „SIMURG MEDIA“ d.o.o. Sarajevo, LOT 4 „5D-CADD“ d.o.o. Sarajevo, LOT 5 „ASCANIUS MEDIA“ d.o.o. Sarajevo, LOT 6 „ASCANIUS MEDIA“ d.o.o. Sarajevo i „NOVA BH“ d.o.o. Sarajevo, LOT 7 „SPORTSPORT“ d.o.o. Sarajevo, LOT 8 „PIK“ d.o.o. Sarajevo, LOT 9 „NA PATRIA“ d.o.o. Sarajevo, LOT 10 „SLOBODNA.BA“ d.o.o. Sarajevo i „ASCANIUS MEDIA“ d.o.o. Sarajevo i LOT 11 „DENAMEDA“ d.o.o. Sarajevo. Komisija za javne nabavke Lutrije BiH, imenovana Rješenjem broj 03-2795/21 od 31.12.2021. godine, izvršila je pregled i evaluaciju dostavljenih ponuda, te konstatovala da su dostavljene ponude ponuđača „INTERSOFT“ d.o.o. Sarajevo, „PIK“ d.o.o. Sarajevo i „5D-CADD“ d.o.o. Sarajevo neprihvatljive. Takođe Komisija je konstatovala da za LOT 12 i LOT 13 nisu dostavljene ponude do krajnjeg određenog roka. Nakon izvršenog pregleda i evaluacije dostavljenih ponuda, Komisija je dostavila direktoru Zapisnik o pregledu i ocjeni ponuda broj 784-15-SH/22 od 14.04.2022. godine, zajedno sa preporukom o izboru najpovoljnijeg ponuđača po LOT-ovima. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđači su dostavili prihvatljive ponude, a u skladu sa uvjetima naznačenim u tenderskoj dokumentaciji, te kriterijem za dodjelu ugovora, ponuđači su ponudili najnižu cijenu za pojedini LOT. E-Aukcija je održana za LOT 6 i LOT 10, dok je za ostale LOT-ove pristigla po jedna ponuda i e-Aukcija nije održana.

Uzimajući u obzir naprijed navedeno, odlučeno je kao u dispozitivu ove odluke.

#### POUKA O PRAVNOM LIJEKU:

Protiv ove odluke, svaki ponuđač koji je učestvovao u postupku nabavke, može izjaviti žalbu Uredu za razmatranje žalbi BiH putem Ugovornog organa i to na način propisan odredbama člana 99. Zakona o javnim nabavkama, u roku od 10 (deset) dana od dana prijema ove odluke.

Dostaviti:

- Sektor za pravne i opšte poslove
- Sektor za finansijske poslove
- Sektor za marketing
- Ponuđačima po javnoj nabavci broj 024/22
- Komisiji za javne nabavke
- Nadzornom odboru
- a/a.

DIREKTOR  
*Edhem Pašukan*  
Edhem Pašukan

